



Sæthre Gård
Instamyra 66
5353 Straume

Referanser:
Dykkar:
Vår: 21/9632 - 22/18518

Saksbehandlar:
Marie Victoria Rekdal Skogrand
marie.skogrand@alver.kommune.no

Dato:
04.03.2022

Orientering om vedtak om midler til landbruksføremål i Austrheim kommune for 2021 – Rydding, gjerdeteknologi og tilrettelegging for ålmenta - GBNR 142/7

Austrheim kommune viser til søknad av 16.11.2021.

Bakgrunn i saka

Øyvind Sæthre/ Sæthre gård søkte om tilskot til landbruksføremål 16.11.2021. Du søker om totalt 70 000 kroner i tilskot. Totalt kostnadsoverslag for tiltaket har du utrekna til 147 500 kroner.

Det er søkt om tilskot til innkjøp av Nofence klaver, oppsetting av permanent gjerde for å bruk i kombinasjon med Nofence, samt til å sette opp to benker i nærleik til parsellhage.

Grunngjeving for vedtaket

Det kommunale tilskotet til landbruket skal leggja til rette for og styrkja landbruksdrifta i Austrheim, og vera til hjelp i samband med investeringar på bruk som mottak produksjonstilskot, eller andre tiltak som fremjer landbruket i kommunen. Formannskapet har i vedtak av 03.02.2022 løyvd midler til landbruksformål i Austrheim kommune for 2021, etter innstilling frå felles landbrukskontor for Alver, Austrheim, Fedje og Modalen. Orientering om vedtaket vert sendt ut av felles landbrukskontor/ Alver kommune, på vegne av Austrheim kommune.

I tråd med retningsliner for tildeling av tilskot til landbruksføremål i Austrheim vert innkjøp av Nofence klaver støtta med inntil 800 kr per klave og maks 15 000 kr per bruk. I samsvar med gjeldande satsar for SMIL-tilskot er det vedtatt å støtte gjerding med 40 kr per løpemeter og kr 1500 per grind. Innkjøp av benkar vert støtta med 50% av godkjent kostnadsoverslag.

Vedtak

Austrheim kommune har vedtatt å løyve inntil kr 15 000 til innkjøp av Nofence klaver, inntil kr 13 000 til gjerding og grinder, samt inntil kr 5000 til innkjøp av benker til parsellhage.

Frist for å gjennomføre tiltaket og rapportere er 01.03.2025.

Rapportering og utbetaling

Før tilskot normalt kan utbetalast, må tiltaket vera gjennomført, og det må liggja føre skriftleg stadfesting på dette, gjerne med foto av gjennomført tiltak. Delutbetaling av tilskot kan etter søknad betalast ut tilsvarande i prosent av det som er gjort ferdig av det totale tiltaket, som det er gjeve tilskot til. Delutbetalinga sin storleik avgjer landbrukskontoret. Når arbeidet er ferdig, eller delvis ferdig skal felles landbrukskontor ferdiggodkjenna tiltaket, og sørge for at det er levert inn timelister og kopi av faktura. Felles landbrukskontor sender skriftleg brev om at utbetaling kan skje til Austrheim kommune som betalar ut tilskotet.

Sluttrapport med timeliste, kopi av faktura og ei skildring av kva som er oppnådd i prosjektet sendast til post@austrheim.kommune.no

Misleghald

Dersom det oppstår tilhøve som er i strid med føresetnadane for støtta, kan Austrheim kommune avgjera at tilskot skal betalast tilbake heilt eller delvis. Krav om tilbakebetaling av tilskot kan ikkje setjast fram seinare enn 5 år etter utbetaling.

Klagerett

Vedtaket kan klagast på til kommunen. Klagefristen er 3 veker frå den dagen brevet kom fram til adressaten. Det er tilstrekkeleg at klagen er postlagt innan fristen går ut. Klagen skal sendast skriftleg til den instansen som har fatta vedtaket. I klagen skal det gå fram kva du klagar på i vedtaket, og kva endringar du ønskjer. Klagen skal grunngjevast.

Med vennleg helsing
Alver kommune, Landbruk

Marie Victoria Rekdal Skogrand
Sakshandsamar

Dette dokumentet er elektronisk godkjent og har difor ingen signatur.

Kopi til:

Austrheim kommune Sætre marka 2 5943 AUSTRHEIM

Mottakarar:

Sæthre Gård Instamyra 66 5353 Straume